

Službene novine Kantona Sarajevo, broj 24/24

Na osnovu člana 138. stav (3) Zakona o radu ("Službene novine Federacije BiH", broj 26/16, 89/18 i 44/22), člana 74. i člana 77. stav 3. Kolektivnog ugovora za službenike organa uprave i sudske vlasti u Federaciji Bosne i Hercegovine ("Službene novine Federacije BiH", broj 98/23), Vlada Kantona Sarajevo, koju zastupa Premijer Kantona Sarajevo Nihad Uk uz saglasnosti gradova i općina: Grad Sarajevo, Općina Centar Sarajevo, Općina Stari Grad Sarajevo, Općina Novi Grad Sarajevo, Općina Novo Sarajevo, Općina Ilidža, Općina Trnovo, Općina Vogošća, Općina Ilijaš, Općina Hadžići i Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji BiH, kojeg zastupa predsjednik Sindikata Samir Kurtović, dana 12.06.2024.godine, zaključuju

UGOVOR

O PRISTUPANJU KOLEKTIVNOM UGOVORU ZA SLUŽBENIKE ORGANA UPRAVE I SUDSKE VLASTI U FEDERACIJI BOSNE I HERCEGOVINE

Član 1.

(Predmet)

Ovim ugovorom Vlada Kantona Sarajevo, Grad Sarajevo, Općina Centar Sarajevo, Općina Stari Grad Sarajevo, Općina Novi Grad Sarajevo, Općina Novo Sarajevo, Općina Ilidža, Općina Trnovo, Općina Vogošća, Općina Ilijaš, Općina Hadžići uz saglasnosti Grada Sarajeva i navedenih općina pristupaju Kolektivnom ugovoru za službenike organa uprave i sudske vlasti u Federaciji Bosne i Hercegovine ("Službene novine Federacije BiH", br. 98/23), (u daljem tekstu: Kolektivni ugovor).

Član 2.

(Pristupanje)

Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, kao reprezentativni sindikat, prihvata pristupanje Vlade Kantona Sarajevo kao poslodavca, Kolektivnom ugovoru.

Član 3.

(Primjena)

Ugovorne strane su saglasne da se upotrijebljeni izrazi u odredbama Kolektivnog ugovora koji se odnose na parlamentarnu proceduru, Vladu Federacije Bosne i Hercegovine, federalne organe državne službe, službenike sudske policije, federalne ustanove i druge federalne institucije imaju primjenjivati i tumačiti kao odredbe koje se odnese na ugovorne strane i na skupštinsku proceduru, Vladu Kantona Sarajevo, kantonalne organe državne službe ili uprave, upravne organizacije i druge kantonalne institucije, gradske i općinske službe za upravu.

Član 4.
(Novi član 24a.)

Prihvatanjem Kolektivnog ugovora, ugovorne strane su saglasne da će se prava i obaveze izvršavati na način kako je utvrđeno Kolektivnim ugovorom, s tim da se iza člana 24. **Kolektivnog ugovora dodaje novi član 24a. kako glasi:**

"Član 24a. (Inflacija):

(1) Zbog općeg povećanja cijena dobara i usluga, a uslijed nemogućnosti povećanja koeficijenata propisanih članom 18. stav (1) i 19. stav (1) Zakona o plaćama i naknadama u organima vlasti Kantona Sarajevo, te članom 8. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo, osnovna plaća državnih službenika i namještenika u organima državne službe Kantona Sarajevo i zaposlenika javnih ustanova socijalne zaštite u Kantonu Sarajevo povećava se za 10%.

(2) Ukoliko se osnovna plaća isplaćuje u iznosu od 70% prosječne neto plaće isplaćene u Federaciji Bosne i Hercegovine, prema posljednjem objavljenom statističkom podatku, u tom slučaju se na taj iznos vrši uvećanje plaće za 10%."

(3) Odredbe ovog člana primjenjivat će se počev od 01.01.2024. godine, a najduže na period od 36 mjeseci i isti će se odnositi isključivo na zaposlenike javnih ustanova socijalne zaštite u Kantonu Sarajevo, a na državne službenike i namještenike Kantona Sarajevo samo ukoliko ne postoji isti pravni osnov u nekom drugom kolektivnom ugovoru.

(4) Odredbe člana 24a. ne primjenjuju se na državne službenike i namještenike u Gradu Sarajevo i općinama iz člana 1. ovog ugovora."

Član 5.
(Stupanje na snagu)

Ovaj ugovor stupa na snagu danom potpisivanja od strane ovlaštenih predstavnika ugovornih strana, a isti će se objaviti u "Službenim novinama Kantona Sarajevo".

Član 6.

Stupanjem na snagu ovog Ugovora o pristupanju Kolektivnom ugovoru za službenike organa uprave i sudske vlasti u Federaciji Bosne i Hercegovine ("Službene novine Federacije BiH", broj 98/23) prestaje sa primjenom Kolektivni ugovor za službenike organa uprave i sudske vlasti u Federaciji Bosne i Hercegovine ("Službene novine Federacije BiH", broj 6/20, 11/21 i 5/22).

Član 7.

Ugovor je sačinjen u osam istovjetnih primjeraka, pri čemu svaka ugovorna strana zadržava po četiri primjerka ugovora.

Broj 02-04-31329-38/24
Za Vladu Kantona Sarajevo
Premijer Kantona Sarajevo
Nihad Uk, s. r.

Broj 01-656/24
Samostalni sindikat državnih službenika i
namještenika u organima državne službe, sudskoj
vlasti i javnim ustanovama u Federaciji BiH
Predsjednik
Samir Kurtović, s. r.